



Broj: 02-24-1-2847

Goražde, 28.08.2018. godine

Na osnovu člana 5. Pravilnika o utvrđivanju uslova, kriterija i postupaka za ostvarivanje prava na dodjelu steonih grla krupne stoke u projektu „Ekonomskog osnaživanja socijalno i materijalno marginaliziranih osoba kroz uzgoj krupne stoke kojim su osigurana donatorska sredstva od strane Humanitarne organizacije “MAID” 50 %, Grada Goražda 40 %, osigurana u Budžetu Grada Goražda za 2018.godinu, kroz Programu podsticaj poljoprivrednoj proizvodnji u 2018.godini i vlastitog učešća korisnika 10 %, a u cilju razvoja nabavke i dodjele 10 steonih grla krupne stoke, na području grada Goražda, Gradonačelnik raspisuje:

### **JAVNI POZIV za podnošenje zahtjeva za dodjelu steonih grla krupne stoke**

Grad Goražde u saradnji sa Humanitarnom organizacijom Muslim Aid sa sjedištem u Sarajevu raspisuje Javni poziv za podnošenje zahtjeva za dodjelu 10 steonih grla krupne stoke (steone junice Pasmine Simental).

Raspodjela će se izvršiti tako da jedna osoba ( domaćinstvo) može dobiti samo jedno steono glo krupne stoke.

Projekat sufinansiraju Grad Goražde, 40%, Humanitarna organizacija Muslim Aid Sarajevo, 50% i krajnji korisnik sa 10% od nabavne cijene grla krupne stoke.

#### **I PRAVO UČEŠĆA**

Pravo na učešće u Projektu za dodjelu po jednog steonog grla krupne stoke imaju prioritete kategorije stanovništva - nezaposlene osobe sa područja grada Goražda koje nemaju grla krupne stoke, a imaju vlastito poljoprivredno zemljište u površini od 5 dunuma ili uzeto u zakup najmanje na 3 godine.

Pravo na dodjelu steonih grla krupne stoke nemaju lica koja su dobila ovakvu ili sličnu donaciju iz oblasti poljoprivrede od Općine, nadležnih ministarstava, humanitarnih i drugih organizacija. Također, pravo na dodjelu steonih grla krupne stoke nemaju korisnici koji u svome vlasništvu već imaju jedno i više od jednog grla krupne stoke.

#### **II USLOVI**

Podnosioc zahtjeva treba da ispunjava slijedeće opće i posebne uslove:

##### **1. OPĆI USLOVI:**

- Da je nezaposlena osoba i da se nalazi na Birou za zapošljavanje (minimalno 3 mjeseca od objavljivanja javnog poziva),
- Da je kao nosilac poljoprivrednog gazdinstva upisan u Registar poljoprivrednih gazdinstava i Registar klijenata u nadležnoj Gradskoj službi,
- Da posjeduje vlastito poljoprivredno zemljište ili uzeto u zakup u površini od minimalno 5 (pet) dunuma.
- Da posjeduje vlastiti štalski objekat adekvatan za smještaj grla (zadovoljava zoohigijenske i zootehničke uslove držanja stoke) ili uzet u zakup u neposrednoj blizini mjesta stanovanja,
- Da će sufinansirati sa 10% od nabavne cijene steonog grla krupne stoke.

## 2. POSEBNI USLOVI:

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- period proveden na Birou za zapošljavanje - podnosioca zahtjeva,
- samohrani roditelji, mladi bračni parovi do 35 godina,
- štalski objekat (zoohigijenski i zootehnički uslovi u štali),

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu i veći broj nezaposlenih članova u porodici, kao i mlađe osobe.

## III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Obrazac za prijavu na Javni poziv,
2. Potvrda o upisu u Registar poljoprivrednih gazdinstava i Registar klijenata od nadležne Gradske službe izdate u 2018.godini,
3. ovjerena kućna lista,
4. dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje,
5. Potvrde iz škole/fakulteta za djecu/izdržavane članove domaćinstva (za djecu predškolskog uzrasta priložiti rodni list)
6. uvjerenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
7. vlasništvo nad parcelom (kopija ZK izvadka ili Posjedovnog lista) ili ovjeren Ugovor o zakupu poljoprivrednog zemljišta sa kopijom ZK izvadka ili Posjedovnog lista, na minimalno 3 godine,
8. ovjerena izjava da posjeduje štalski objekat u svom vlasništvu ili uzet pod zakup u neposrednoj blizini mjesta stanovanja,
9. Ovjerena izjava da podnosilac zahtjeva ne posjeduje nijedno krupno muzno grlo u svom vlasništvu,
10. ovjerena izjava da će korisnik podsticaja dobijeno grlo u vlastitom uzgoju zadržati najmanje 3 godine od dana potpisivanja Ugovora,
11. ovjerena izjava da podnosilac zahtjeva ili član zajedničkog domaćinstva nije dobio ovakvu ili sličnu donaciju iz oblasti poljoprivrede od Općine, nadležnih ministarstava, humanitarnih i drugih organizacija,
12. ovjerena izjava da će sufinansirati sa 10% od nabavne cijene steonog grla krupne stoke,
13. dokaz da je mladi bračni par životne starosti do 35 godina (ovjerena kućna lista),
14. dokaz da je samohrani roditelj (ovjerena kućna lista).

#### IV PROCEDURA ODABIRA KORISNIKA

Komisiju za odabir krajnjih korisnika za dodjelu steonih grla krupne stoke putem sufinansiranja u saradnji sa humanitarnom organizacijom čine: predstavnik organizacije Muslim Aid, i predstavnici Grada Goražda.

Zadatak Komisije za dodjelu steonih grla krupne stoke je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Gradonačelniku.

Saglasnost na predloženu rang listu kandidata daje Gradonačelnik.

Rang lista odabranih kandidata će biti objavljena na oglasnoj ploči Grada Goražda i službenoj web stranici Grada Goražda.

#### NAPOMENA:

- Kandidati koji ostvare pravo na dodjelu steonih grla krupne stoke obavezni su prisustvovati edukaciji u trajanju od jednog dana.

Obrasci zahtjeva za prijavu mogu se preuzeti na info pultu Grada Goražda i zajedno sa dokumentacijom predati u zatvorenoj koverti na protokol Grada Goražda sa naznakom „Za javni poziv za dodjelu steonih grla krupne stoke“, a rok za podnošenje zahtjeva je 20 dana, od dana objavljivanja javnog poziva na web stranici Grada Goražda te na oglasnoj ploči Grada Goražda.

Sve dodatne informacije mogu se dobiti u Službi za finansije, trezor i privredu, Grada Goražda, III sprat, kancelarija broj 58, svakim radnim danom od 08:00-16:00 sati.

Nepotpuna, neuredna, netačna i neblagovremena dokumentacija neće se uzimati u razmatranje.

**Javni poziv ostaje otvoren do 18.09.2018. godine do 14:00 sati.**



**GRADONAČELNIK**

dr. sci. Muhamed Ramović